

INDIVIDUA ADJUVANTE TRIADE.

DISSERTATIO PHYSICA.

DE,

ECHO,

QUAM,

ADSENSU INCLUTI COLLEGII PHILOS.
IN ALMO FENNONUM REG. ABOENSI LYCEO;

PRÆSIDE,

VIRO MAXIME REVERENDO atque CELEBERRIMO,

DN. JACOBO GADOLIN,

SCIENT NAT. PROFESS. REG. & ORD.
ECCLESIAE FENNICAE ABOENS. PASTORE,
REG. ACAD. SCIENT. SVEC. MEMBRO,

INNOXIÆ CANDIDORUM CENSURÆ,
QUA PAR EST, MODESTIA, EXHIBET

ELIAS NIBLING,

OSTROBOTNIENSIS.

IN AUDIT. MAJ. DIE. VI. APRILIS.
ANNI ÆRE CHRISTIANÆ MDCCCLIV.

H. A. M. S.

ABOÆ, Impressit Direct. & Typogr. Reg. Magn. Duc.
Finland, JACOB MERCKELL.

VIRO
NOBILISSIMO & CONSULTISSIMO
DOMINO,
**D_N. CAROLO JOH.
JEGERSCHIOLD,**
JUDICI TERRITORIALI IN SUPERIORE SA-
TACUNDIÆ PARTE, LONGE ÆQUISSIMO,
PATRONO MAXIMO.

Maxima nec non longe evidentissima gratia & be-
nignitatis TUÆ documenta, NOBILISSIME
DOMINÈ, ab illo usque tempore expertus sum, quo
mihi Nobilissimorum TUORUM Pignoriarum institutio-
nem committere dignatus fuisti.

TUORUM beneficiorum numerum ita omnino ad-
auxisti, ut qua potissimum ratione pietatem in TE ma-
ximam jam declarare valeam prorsus ignorem.

Igitur non possum non satis lœtari, quod illuxer-
it tandem dies tot votis expetitus, quo venerationem
TUI

TUI NOBILISSIMI NOMINIS, publice testari &
coram oculis **TUIS** sistere mibi liceat.

Doleo vero, verba hac occasione miki deesse idonea,
quibus animum meum in **TE** devotissimum, ut intra pectus latet, venerabundus rite aperiam.

Accipe itaque, **PATRONE OPTIME**, munuscum
hocce leve, ceu animi gratissimi pignus, neque
dubita, quamdiu in **vivis futurus sum**, **TUORUM** in
me meritorum memoriam animo meo infixam manere.

Novi optime, **TIBI**, **VIR NOBILISSIME**, hoc esse
commune cum illis, quorum virtutum excellentia in admirationem rapimur, ut bene & præclare agere magis ames, quam merita **TUA** celebrari; quapropter
præconio favoris **TUI** longe supra vires meas posita
supercedeo.

DEUS omnis boni fons **TE**, **VIR NOBILISSIME**,
in annos bene multos conservet incolumem, ut diu vi-
vass Patriæ emolumentum, **Justitiae** fulcrum, Nobilissi-
meque **TUÆ** Familiæ solatum ac præsidium exoptatis-
simum, desideratissimum! sic sincerus opto

NOBILISSIMI NOMINIS TUI

Servius humillimus,
ELIAS NIBLING.

VIRO NOBILISSIMO,
DOMINO E L I Æ
NI B L I N G,
CENTURIONI LEGIONIS OSTROBOTNIENSIS
STRENUISSIMO,
PARENTI INDULGENTISSIMO.

UT oculis Tuis, Optime Parens, hanc leviter adumbratum Soni Reflexionem subjiciam, immortalium, mihi ab incunabulis præstitorum beneficiorum memorias jubet.

Per ampla, fateor, mihi esset occasio, bonitatem Indulgentissimi Parentis in filium collatam cumulata mque laudandi atque affectum, quo TE prosequor, tenerum declarandi, nisi, quominus digne præstare id valeam, hisc Tuorum in me meritorum magnitudo, inde mea prohibeat imbecillitas.

Penes me itaque nibil aliud situm est, quam ut in ære Tuo me totum esse grato & venerabundo animo agnoscam.

Accipe idcirco, Optime Parens, leviuscum hocce, quod tibi offero munus, utpote signum mee in TE pietatis certissimum, atque in posterum quoque Paterno Tuo affectu amplectere

INDULGENTISSIMI PARENTIS

Obedientissimum Filium.
ELIAS NIBLING.



AUSPICE DEO.

§. I.



Nter voluptates , quibus animum nostrum ope sensuum frui Optimus Deus voluit , an ulla major sit ea , quæ per aurium usum venit , haud facile dixerimus : quoniam nec cetera sensuum organa , si modo visum excipias , tor simus objectorum distincte recipiendorum capacia deprehenduntur ; nec quæ in illis habentur delectationes tantam in commovendo animo vim , quantam quæ auditu percipiuntur , habere possunt . Scilicet objectum auditus seu sonus , quotquot organo inserviunt fibræ , eas simul

mul omnes afficit, idque in utraque aure æquali-
ter; cum in reliquis sensibus singula tantum nervo-
rum filamenta illorum ministerio dicata commove-
antur. Unde manifestum est, majorem ex totius
organī agitatione, quam ex aliqua ejus parte mo-
ta, effectum oriri. Hinc Musice tantam vim tri-
buit Poëta:

Saxa ferasque lyra movit Rhodopeius Orpheus.

Hinc fabula: tantam fuisse levitatem cantus
Sirenum, quæ vel in apertam pernicem homines
traxerit, effeceritque ut sui ipsorum obliti in mani-
festam cædem se trahi paterentur, quod quidem
periculum ne Ulysses quidem, evitasset, licet Sire-
num insulam præternavigans mortuorum ossibus la-
te albescentem eandem conspiceret, nisi molli cera
Sociorum aures obturasset, atque ipsummet, manibus
pedibusque vincis, malo alligatus tuisset. Missis
autem fabulis, si neque habeamus rationem illius de-
lectationis, quæ Musica parari solet arte, nihilomi-
nus facile patescit eximiam omnino esse voluptatem,
quam spontanea in curlo suo ordinario auribus no-
stris nullo non tempore offert natura. Murmurant
nimirum præcipites in montibus præruptis amnes;
tremunt in scopulis littoribusque undæ maris vento
agitati; susurrant in densis ramosisque silvis venti;
dulce cantitant in floridis campis aves; omnia undi-
que circumtonat, quod tamen terribile juxta videtur,
fulgurans cœlum. Inhumanus atque surdus censem-
dus est ille, qui tot sonantibus Majestatis Divinæ te-
stibus patulas non præbeat aures, ab hisque non
discat

discat cum admiratione venerari Summatr. Sapientiam, quam res mortuæ pariter & vivæ palam loquuntur. Verum enimvero uti thelaurus naturæ est inexhaustus, ita neque dubitandum videtur, quin maxime jucundus mirabilisque habendus sit, quem præterea nobis audiendum haud raro exhibit, cuique *Echo* nomen est, Sonus resonans. Contingit videlicet, sive in grandioribus fuerimus ædibus, sive in cacuminibus montium sive in convallibus, sonum, sive juxta Musices regulas editus idem fuerit scienter, sive ore verbisque distinctis prolatus, sive quomodocunque datus ruditer, contingit, inquam, eundem a fine repetitum prolixius brevius redire semel saepiusve prouti res tulerit. Est hæc *Echo*, de qua in præsenti non nulla brevissimis differere constituimus, æquam non minus quam benignam L. C. censuram expetentes.

§ II.

EXigit ratio ordinis ut phænomena *Echos* potiora primo loco recenteantur. Auditu videlicet percipimus, multis in locis reciprocas fieri voces a montibus, quorum vertices, si cœbri adsint, atque in humeros confracta juga nec non concavi vallum sinus; iteratas easdem voces reflexas audire licet. Neque de montibus tantum, verum etiam silvis, grandioribus ædificiis atque concamerationibus idem dicendum esse vulgaris experientia testatur. Digna imprimis sunt, quæ heic apponantur, verba Plin. L. 36. C. 15. „Eadem in urbe, Cyzico

„puta, juxta portam, quæ Thracia vocatur; tur-
 „res VII. acceptas voces numerosiore repercuſſu
 „multiplicant: nomenque huic miraculo *Echo* est a
 „Græcis datum: & hoc quidem natura locorum e-
 „venit, & plerumqne convallium: Ibi easu accedit:
 „Olympiæ autem arte, mirabili modo, in porticu,
 „quam ob id heptaphonon appellant, quoniam se-
 „pties eadem vox redditur, „ Celebris quoque est
Echo Syracusana in Sicilia, ubi tubarum modulatio-
 nes, quæ in campo e regione portus minoris & ur-
 bis instantur, distincte adeo repetuntur, ut ne per-
 fectissimus quidem tubicinum eas melius imitari
 queat; itemque *Echo* Villæ Simonettæ Mediolanen-
 sis, ubi vox e fenestra media parietis in contigna-
 tione superiore 26. passus longi & 16. alti, in op-
 positum parietem priori parallelum & æqualem 33.
 passibus inde distantem, ad aures vociterantis qua-
 ter & vigesies, imo non nunquam trigesies reddi
 & reciprocari dicitur. Plura quæ per orbem terra-
 rum celebrari solent *Echos* exempla, brevitatis stu-
 diosi præterimus, potiusque observamus habendam
 esse rationem distantia ab objecto, unde vocem re-
 dire persentiscimus. Si enim longius longiusque re-
 cedatur ab objecto, quæ modo fortior erat *Echo*, pau-
 latim attenuatur tandemque evanescit; & contra si
 distantia plus justo minuatur, Sonus repercuſſus
 cum illo, qui emittebatur, ita contunditur ut nulla
 percipi queat *Echo*. Quod si tamen fortior edatur
 Sonus, etiam ad majorem distantiam redditus idem
 percipitur, ubi debilioris reflexio fruſtra exspectatur.
 Præ-

Præterea notandum, quo quis proprius fuerit, sed in ea tamen distantia unde vox reflexa discernatur, eo pauciores syllabas distincte referri; quo remotius eo plures; itemque temporis intervallum inter cessationem loquentis & perceptionem vocis reflexæ in priore casu minus, in posteriore majus esse. Sic observatum est aliquando reddi plures tubæ sonos, quam necessariæ syllabæ ad hexametrum carmen fuissent, si potuisset nuda vox humana pervenire ex edoem loco.

§. III.

Antequam, autem quid Philosophis *Echo* sit exponatur, quæ tabula de eadem tradat, paucis indicare a proposito alienum non erit. Scilicet loquax Nymphæ olim fertur *Echo* fuisse; quia vero Junonem, cupientem deprehendere sub Jove suo Nymphas in monte jacentes, longo sermone aliquando tenuisset, donec Nymphæ fugiendi tempus nanciscerentur, ideo Juno dolum ulciscens, lingvæ, qua deflusam lese animadvertisit, potestatem præscidit arque ut de multis verbis novissima solummodo reddere posset *Echo*, effecit. Forte itaque *Echo* Narcissum sedecim annorum iuvenem in trepidos cervos retia agitantem cum vidisset, huiusque amore incalusisset, quominus molles preces adhibitura blandis dictis Narcissum adloqui inciperet, natura jam repugnabat. Ergo *Echo* vestigia Narcissi sequuta, quod noverca natura ejus etiamnum fineret, sonos exspectabat, quibus remissis amorem suum testatum faceret. Cum igitur opportune evenisset, Narcissum quandoque a Sociis

Sociis seductum Equis adebat clamasse, Echo respondebat: Adebat. Hinc Narcissus, quia in partes omnes divita acie neminem praesentem videret, Veni clamat; quod ipsum respondens Echo vocantem insipienter vocabat. Perstans vero Narcissus Cotamus ait, cui libentissime respondens Echo Coetamus retulit. Verum Narcissus stupetactus fugiensque Ante, ait, emoriar, quam sit tibi copia nostri, atque licet nihil referret Echo præter illa ultima sit tibi copia nostri, spretam tamen pudibundamque atque in Silvis latenter ferreus deteruit. Quo facto cum amor dolore repulsa crevisset, corpus miserabile curis attenuatum cutisque macie adducta fuisset, omnem succum corporis in aera abiisse, ossa lapidis figuram traxisse, solamque vocem tandem remansisse terunt. Propius adveritatem accedunt, qui aeris & linguae filiam esse Echo fabulantur, verum sufficient hæc de fabulis,

§. IV.

SOnus extra tentationem nostram nihil aliud est, quam tremulus aeris motus, ab externa vi excitatus, atque ad organa auditus propagatus. Aeris enim particulae, quas plumularum instar ramulas & summe flexiles nonnulli fingunt, non solum condensari & expandi facillimo negotio queunt; sed etiam propagando motui semel impresso pares sunt. Excitatur hic aeris motus tremulus ordinarie a corpore sonoro, quod ab alio quodam corpore concussum tremit, atque aeri contiguo similem tremulationem imprimit. Sapissime etiam contingit aerem

rem ex sola ad corpus durum allisione, pro varia hujus figura, comprimi & dilatari atque sic tremulos ejusmodi motus vel undulationes accipere; immo ipsas aëris particulas turbine vel flamma agitatas, atque inter se collisatas, sonum vel sibilum edere toto die percipimus.

§. V.

Duo heic circa generationem soni occurrunt observanda, scilicet: quid contingat in corpore sonoro, quidque in aëre. Elastica & dura corpora uti ad tremulationes recipiendas & retinendas aptissima sunt; ita ad sonum quoque producendum maxime idonea deprehenduntur. Sit exempli gratia elastica quædam chorda in libero aëre extensa atque ad utramque suam extremitatem fixa; si hæc a quacunque causa ad unam partem flectitur, repenteque dimittitur vi suæ elasticitatis ad alteram partem semet ratrahit, sicque eundo atque redeundo aërem terire, sonumque edere potest. Sed non oritur proprius sonus ex hoc motu reciproco, nam durat hic motus cessante sono; immo potest chorda leviculō pondere extensa ad quendam motum vibratorium cieri, nullo exinde redundantē sono. Itaque cum præter hunc chordæ integræ motum, si fortiter extensa aut fortiori vi percussa eadem sit, aliis quidam partium cordæ motus tremulus idemque perpetuus soni comes observetur, in hocce potius motu specifico, soni caussam positam esse patet. Manifestum hoc est ex frustula chartæ, quæ chordæ sonanti affixa

xa tremulum motum evidenter prodit. Neque ob-
 scure idem patet ex fidibus instrumenti musici; ple-
 trum namque pice aut colophonia obductum alpe-
 ritate sua & quasi denticulis chordas motu illo re-
 ciproco exagitat; sebo autem vel oleo si id illinas,
 tum nullum edet sonum: Itaque crebri illi tubercul-
 tus & repetitæ vibrationes fortiores sonum efficiunt.
 Ita campanæ quoque sonant, cum pulsatæ sint; at-
 que si nihil amplius soni exaudiretur, retinent
 tamen suas vibrationes, sed si aliquod cor-
 pus durum campanis admoveatur, ut vibratæ in
 illud impingantur, mox iterum sonant. Si campa-
 næ pulsatæ nive obducantur, auditur sonus levis,
 non ideo, quasi vibrationes contestim cessent, sed
 quia tremulatio partium ex ictu mallei oriunda suf-
 focatur. Hinc concavorum hujusmodi valorum tre-
 mor atque sonus, quando percutiuntur, perseverat
 diuturnius, potissimum si fuerint suspensa, ita ut
 possint creberrime ire redireque, atque partium mo-
 tus simul liberrime continuari; videlicet aër non
 modo externus, sed maxime etiam internus cre-
 berrimis illis ictibus agitatur & percuditur, repercu-
 titurque, atque idcirco quousque hic motus plane
 cessaverit, bombus continuatur. Requiritur quo-
 que, ut corpus sonorum vehementiori ictu concu-
 tiatur, inprimis si fortis sonus excitandus sit, nec
 non ut materia, quæ percuditur, dura sit. Expe-
 rientia magistra novimus, si campana pulletur mol-
 li ligno, vix sonat, sed quando ferreo aut metalli-
 co malleo percuditur, et si iste malleus ejusdem tue-
 rit

rit ponderis cum ligno, vehementer sonat; quo facto, si ad campanam sonantem pileus manuprehensus explorandi causa applicetur, tremulum ejus motum vel manu sentire licebit. Idem etiam fit in chordis; si chordam tangat corvi perna, oritur jucundus atque fortis sonus, si autem ab anterum aut aliarum avium penna, quæ molliori constat materia, tangatur, vix sonat. Hanc ob rem Musicalium instrumentorum chordæ conficiuntur ex orichalco aut chalybe atque ex animalium intestinis; ipsaque instrumenta ex elasticis arboribus. Corporum namque mollium partes nullam fere tremulationem recipiunt, quare vel plane non, vel non nisi brevissimum momentum sonant, ut si plumbum aut humus concutiatur. Idem manifestum est ex experimento Galilæi. Videlicet cum vitrei scyphi, cui aqua intusa est, margines digito celerius moto premuntur, tum quidem tremulus aquæ motus & subsultatio, quæ sit vitri sonantis agitatio, satis explicat, & id quidem eo evidenter quo certius, facta pressione fortiori, tonum intendi simulque tremulationem aquæ augeri experimentum monstrat. Dum itaque corpus quoddam sic agitatur, motus aëri impressus in aëre ad aurem transfertur; Aërem enim esse vehiculum soni in dubium revocari nequit. Neque tamen interest quacunque demum ratione specificus hic motus aëri imprimitur. Licet namque lente tendantur aut flectantur corpora sonora, modo pernix resutus particulatum exinde oriatur; Sonus nihilominus percipitur,

dum particulæ istæ aërem celerrime impellunt, ut huic non licet ad latera se recipere & vim impressi motus eludere. Immo absque ope corporum duriorum, ut in tonitru aut pulvere pyro, si in aëre libero accendatur, particulæ aëris magna velocitate pulsæ sonum sponte edunt.

§. VI.

B Equitur, ut quam brevissime consideremus, quid sonus sit in aëre. Diximus autem ex motu quodam specifico aëri impresso sonum oriri, igitur quomodo idem motus per aëra propagetur paucis indigebimus; si quis autem ulteriore rei demonstrationem desideraverit, illos consulat autores, qui in materia hac ardua ex sublimiorum disciplinarum principiis enodanda defudarunt. Ponantur puncta B, C & D, repræsentare centra particularum aëris, quæ in statu ordinario atque libero constitutæ, sibi mutuo vicinæ & in directum sitæ sint; ponatur quoque corpus sonorum, aut quæcumque fingatur toni causa, satis fortem impressionem facere in particulam primam, cuius centrum in B. est eandemque impellere juxta directionem B-D; manifestum est, ob fluiditatem atque elasticitatem aëris, loco suo dimoveri eandem, propiusque accedere ad particulam vicinam in C. Itaque in eodem loco augetur mox densitas aëris, nec non

non vis aëris elastica simul cum densitate. Constitut autem hæc elasticitas in mutuo particularum repulso, quod ad majores ab invicem distantias removeri nituntur quasi. Ergo ob auctam vim repulsivam inter particulas easdem, etiam hanc, cuius centrum in C ponebatur, juxta directionem C D, de loco depelli atque incurrenti particulæ primæ cedere patet. Ex eadem ratione tertiam quoque particularam, cuius centrum in D supponebatur, in eadem directione e loco suo turbandam atque sic in sequenti primæ particulæ binarum particularum vim oppositam jam superandam, idemque de sequentibus ordine particulis similiter intelligendum esse patescit. Ponamus ulterius, ordine jam promota esse centra harum particularum usque ad puncta b, c, d, respective, atque distantiam b c esse minimam, quæ per datum impetum particulæ primæ obtineri potest; ergo secunda aëris, particula in c, firmata viribus tertiarum reliquarumque, quotquot in eadem recta linea ad motum concitatæ jam sunt, sustinet totum impetum particulæ primæ, adeo ut hujus motus relativus, quo ad particulam secundam accedit, sistatur in loco b, ultra quod particulæ secundæ propior fieri amplius nequit, sed urgente vi elastica, quæ inter b & c facta est maxima, retardatur, atque a particula secunda retrocedere cogitur. Neque tamen eodem hoc temporis momento cessat particulæ secundæ progressio, qua hæc particulæ tertiaræ vicinior evadit; præterquam enim quod ex præcedaneo motu vim proceden-

di acquisiverit, etiam vi maxima in loco c adhuc urgetur antrorum; continuatur itaque hujus acceleratio, donec in punto x minima facta sit ejus distantia a particula tertia, cujus centrum iam ad d promotum est. Verum in punto x retardatur demum particula aëris secunda, dum tertia particula ex d progreditur, donec eadem similiter perveniat ad d, ubi minimam habet distantiam a particula, quæ ipsi ad partem anteriorem vicina est; atque sic in ceteris. Hinc intelligitur particularum aëris vicinarum distantias minimas, seu densitates aëris maximas, propagari per aërem in recta linea a corpore sonante seu caula soni; Atque cum in libero aëre secundum omnes directiones a causa soni ejusmodi rectæ lineæ duci queant, patet simul non in unica directione, sed in superficie sphærica potius easdem aëris condensationes circumferri. Condensationes has *undarum* nomine appellant Philosophi, ob similitudinem undarum circularium, quas in superficie aquæ, si exempli gratia lapis projectus in aquam impressionem faciat, generari communis experientia demonstrat. Particulæ aëris singulæ, postquam in distantiis, quas diximus minimis, maximas consequuntæ sunt densitates, retrorsum urgentibus viribus tandem retrocedunt atque ad loca sua prima redeunt, ibidemque in ordinaria liberi aëris densitate quiescent, neque deinceps moventur, nisi vel ab impetu corporis tremuli, vel ab impetu pullum, qui a corpore tremulo propagantur, motu novo cieantur; ideoque quiescent omnino,

mnino, quam primum pulsus a causa soni propagari desinunt. Hinc obiter notamus, errare illos, qui in progressu undas istas multiplicari existimant.

§. VII.

QUæ jam de soni per aërem propagatione generaliter dicta sunt, per experientiam abunde confirmantur. Omnes soni propagantur in aëre libero per sphæricas extensiones, quarum centrum a corpore sonoro tenetur. Si campana in loco quodam pulsetur, audimus sonum ejus, ubicunque auris in circuitu ejusdem loci ponitur, dummodo nullis obstaculis interiacentibus aëris motus impeditatur. Sunt tamen quibusvis sonis, in aëre propagatis, sui limites, extra quos audiri nequeunt; neque enim in infinitum datus motus aëri impressus abire potest, quin potius langvelcit idem in progressu, tandemque imperceptibilis evadit, unde simul paret limites hos, pro re nata, latiores artioresve esse.

Propagari autem sonum imprimis vehementiorem per ingentia admodum spatia multiplici experientia notum est. Verbi gratia, dum Gallæ Rex Ludovicus XIV. urbem Genuam oppugnatam vellet, audiebatur tormentorum bellicorum tonus usque ad portum Liburnum, qui 90. Ital. milliaria inde abest. Similiter dum Svecos inter Russosque A:o 1743. ad Corpoström, portum in oris Finladiae celearem, pugna instituebatur, fragorem tormento-

mentorum in parœcia Tammela distincte satis auditum ferunt; est autem horum locorum distantia quindecim circiter milliarium Svecanorum, adeoque fere eadem ac inter portum Liburnum & urbem Genuam.

Porro quod attinet velocitatem soni, pulcherrimam illa, quam detegendam Philosophi suscipierent, materiam ipsis subministravit. Idem haud difficulter observatur in explosione tormentorum bellis corum duobus, tribusve, aut pluribus passuum milibus dissitorum; dum annotato momento temporis, quo producta simul cum fragore flammula oculis apparet, numerantur oscillationes penduli dati, quo usque sonus ad aurem perveniat. Atque hoc modo in variis locis varia observata est velocitas soni. Sic alii velocitatem toni studiosius emensi deprehenderunt ipsum: uno minuto secundo pervadere 230. Parisinas hexapodas, seu pedes 1380; aliis æquali tempore 1172. pedes percurrere viuis est, alii ex suis observationibus pedes 1070. tempore minutis secundi unius absolvi concludunt. Quod autem ad nostrum imprimis pertinet scopum, juxta ex observationibus hilce detectum est, tonos acutiores & graviores itemque fortiores & debiliores non solummodo uniformibus sed etiam æqualibus velocitatibus circumferri; adeo ut ex eodem loco ad datam quamvis distantiam æquali tempore audiatur ictus mallei, tinnitus campanarum diversæ magnitudinis, fragor tormenti seu machinæ bellicæ majoris & bombardæ seu machinæ minoris; atque si ad distantiam duplo

duplo majorem alius ponatur observator, post spatiū temporis duplo majus eosdem sonos ad suas pertigisse aures percipiet. Neque tamen hæc ita capienda, quasi diversæ aëris conditiones ad soni velocitatem nihil facerent; extra controversiam namque ponendum est, pro conditione ventorum, si fuerint secundi vel adversi, leniores vel vehementiores, velocitatem soni per aërem provecti determinari.

§. VIII.

EX iis, quæ jam breviter de soni unda per aërem propagata diximus, facile intelligitur eandem a corpore quodam obvio, in quod illam undam incurrere contingit, rejectari & reflecti; atque vel in eundem redire locum, quo ortus fuerat, vel aliorum dirigi posse. Quemadmodum enim pila elastica parieti impacta refilit; aut quemadmodum unda, cuius haud injucundum spectaculum offers navis recens constructa in aquam placidam ex stupula (sic venia verbo) desiliens, postquam in verticale vel præruptum littus forte incurserit, in altum tollitur atque reflexa ab obstaculo ulterius propagatur; ita, haud per omnia dissimili ratione, sonum quoque reflecti nemo facile negaverit. Reflexus hic sonus, qui separatim a primo, aut originali sono auditur, *ECHO* nominatur. *Vocis imaginem nonnulli vocarunt*, quatenus comparari potest cum imagine objecti visibilis, quæ in speculo aut stagnante aqua conspicitur. Quemadmodum

dum enim visu non solum percipimus figuram coloresque objecti per lumen directum, quod ex objecto in oculos immediate provenit, verum etiam ejusdem rei imaginem cernimus per radios reflexos, qui à polita superficie ad vitus organon diriguntur, atque alienum, quam qui revera obtinet, locum objecti exhibent; ita auditu quoque colligimus & voces directas, quæ verum, & reflexas, quæ falsum loquentis aut corporis sonantis situm quasi produnt mentiuntur. Varia autem sunt objecta, quæ sonum repercutere obliterantur; sic præter montes, muros, densas silvas, de quibus antea dictum, etiam nubes hoc officio fungi novimus, quod ex multiplicato fragore fulminis constat, atque vel exinde uberioris confirmatur, quod explosis tormentis sereno cœlo, celeriter pretereat fragor, si autem nubes adsint, notabile satis temporis intervallum duret. Ex similitudine autem undarum in superficie æquæ reflexarum intelligitur, quomodo pro diversa figura & magnitudine atque multitudine objectorum, quæ sonum repercutiunt, varia proveniat *Echo*. Videlicet uti palus fundo maris infixus atque supra superficiem aquæ prominens undam non reflectit, sed tantummodo dividit, ita neque exile ejusmodi corpus, quod prolixæ soni undæ per aerem propagatae objicitur, sono reflectendo sufficit. Atque præterea uti scopuli, aut lapides hinc inde irregulariter prominentes, undas non tam reflectunt integras, quam potius perturbant atque confusas reddunt; ita etiam undæ soni, dum

dum in irregulare ejuscemodi objectorum chaos incurunt, confuse resonant. Ubi autem mare terminatur littore verticali, qualia haud raro sunt latera laxeorum montium, quæ mari alluuntur, ibi integras undas reflexas oblervare licet; Sic quoque æquabiles montium aut ædificiorum superficies ad reddendam *Echo* aptissimæ deprehenduntur. Reflexio soni in genere etiam exinde confirmatur, quod, referente Kirchero, in Romanis aquæ-ductibus vox loquentis etiam ad quingentos pedes, tanquam præsens, percipiatur, potissimum si canalis fuerit satis politus; tunc enim unda soni, quæ in superficiem sphæricam extendi nititur, in latera canalis incurrit, ab iisque reflectitur atque sine sensibili virtutis diminutione secundum longitudinem canalis propagatur. Eadem hæc causa *Echos* quoque evidenter patescit exinde, quod si os loquentis constituantur in foco uno fornicis elliptici, auris, in foco altero excipiens radios phonicos reflexos, distincte percipiatur vocem loquentis, etsi intra focus constituti nihil ejus percipient; Geometris enim notum est, lineas ex uno ellipsois foco in circumferentiam incidentes, facto angulo incidentiæ æquali angulo reflexionis, concurrere in focum alterum.

§. IX.

Expositis vel potius indice digito monstratis, quæ
C ad

ad *Echos* causam pertinent; ad phænomena ex his
seci principiis explicanda pedem promovebimus.
Solet *Echo*, prouti alias atque alias habet varieta-
res, ad hæc quatuor genera revocari, ut alia di-
catur *Monosyllaba*, quæ unicam cantum syllabam,
ultimam nempe prolatæ vocis solam, reddit; alia
Poly syllaba, quæ duas pluresve; Alia porro *Monopona*,
quæ sive unam sive plures syllabas non nisi
semel repetit; alia denique *Polyphona*, quæ sæpius
easdem syllabas iterat. Ex his monosyllaba simpli-
cissima est, de hac igitur primo loco agendum:
Diximus autem in antecedentibus, sonum uniformi-
cum velocitate per aërem propagari; Itaque ob nu-
merum rotundum ponamus sonum terri per spa-
tium 1000. pedum uno minuto secundo. Jam ve-
ro tenendum est de omnibus sensibus, experientiâ
teste, id valere, quod nimirum tarditas quædam
iis inesse deprehendatur, adeo ut, licet phænomena
naturæ continuo ordine se mutuo excipiant, sensa-
tiones tamen, non nisi morulâ quâdam interjecta,
succedant atque absolvantur, ita tamen ut exercita-
tione perfectior accuratio acquiratur. Sic e. g. in
observationibus Astronomicis, ubi visu attenden-
dum est ad coincidentiam (sunt venia verbo) sideris
ceu puncti lucidi, quod motu diurno movetur,
cum dato quodam puncto in instrumento Astro-
nomico, atque momentum coincidentiae per nu-
merum minutorum secundorum temporis, juxta
indictum horologii oscillatorii computatorum, de-
termi-

terminandum est; evenire omnino solet, ut obser-
vator, qui huic negotio satis adseveratus non fue-
rit, uno integro imo & duobus minutis sec. a ve-
to momento aberret, utut omne studium ad rem
rite peragendam adhibeat; quod si autem probe
exercitatus idem fuerit, quartas minuti sec. par-
tes haud raro cum certitudine sufficienti definiet.
Idem hoc de auditu quoque valet; nimirum qui
Musices periti sunt, intervalllo unius minuti secun-
di novem autem decem diversos tonos, celerrime
pullatis instrumenti musici fidibus, discernere posse
teruntur, dum alii in hac arte minus aut nihil
exercitati confusissime eosdem percipiunt, neque
nisi multo tardius pullatis fidibus dignoscunt. Po-
sito itaque eam esse conditionem aurium, quæ
Ecbum observare gestiunt, ut quinque solummodo
tonis, post æqualia temporis momenta succeden-
tibus, intra spatum unius minuti secundi perci-
piendis sufficient; eritque distantia objecti, quod
Ecbum Mono syllabam reddit, æqualis pedibus cen-
tum. Etenim si singulis quinis momentis fiat mal-
lei ictus sonorus, aut syllaba quædam pronuncie-
tur, manifestum est sonum ictus primi aut syllabam
in initio primi temporis momenti proclama-
tam itu atque reditu percurrere spatum pedum
ducentorum, hoc est redire ab objecto sonum re-
flectente ad eundem locum, ubi idem sonus ede-
batur, atque ubi observatorem *Ecbus* itidem loca-
tum supponimus, eodem tempore quo prima pars

minuti secundi effluxit, seu in initio momenti temporis secundi. Verum, per hypothesim, eodem hocce momento alter jam fit ictus mallei vel altera proclamat syllaba; ergo rediens iste sonus, aut *Echus* syllabæ primæ ibidem confunditur cum syllaba secunda, ideoque seorsim audiri non potest. Eodem modo demonstratur *Echum* syllabæ secundæ confundi cum syllaba tertia, *Echum* syllabæ tertiaræ cum quarta, *Echum* syllabæ quartæ cum syllaba quinta, & *Echum* syllabæ quintæ tandem, ab soluto quinto temporis momento, solam aures percelle-re atque percipi, adeoque *Echum* omnino esse Monosyllabam.

§. X.

EX iis, quæ de *Echo* Monosyllaba dicta sunt, facile patet, Poly syllabam eandem fieri, si distantia inter objectum, quod sonum reflectit, atque vocem emissam *Echus* ob servatorem augeatur. Iisdem videlicet positis Disyllabam esse, si distantia duplicitur; Trisyllabam, si triplicetur & sic porro, nimirum pro addita quavis syllaba, addendam semper esse distantiam æqualem distantiaræ *Echus* monosyllabæ. Simul quoque patet, iisdem positis, omnem *Echum*, quæ eundem syllabarum numerum, facta reflexione simplici, reddit, ex æquali distantia provenire; omnium namque sonorum, ceteris paribus, eadem est velocitas. Si autem porro sup-

supponatur non adesse nisi unicum objectum, quod sonum repercutiat, evidens est *Echum* non posse non esse Monophonam; imo licet plura & quidem ad diversas plagas adsint ejuscemodi objecta, modo æqualiter singula distent a loco, in quo sonum edi atque observatorem locari ponimus, nihilominus intelligitur *Echum* & monophonam & æqualium numero syllabarum esse posse. Denique si plura hæc objecta diversas habeant distantias, Polyphona habebitur *Echo*, ex gr. Diphona, si unum obiectorum reflectentium ponatur ad distantiam *Echus* Monosyllabæ, alterum vero ad distantiam trisyllabæ. Oportet autem non nisi binas syllabas proclamari; si enim plures proclamentur, *Echo* tamen duas novissimas solummodo semel reddit, neque proinde fiet Diphona. V. gr. si dicitur H A B E, absoluto, post ultimæ syllabæ vociationem, illo temporis momento, quod ad novam soni perceptionem recolligendam requiritur, reddit omnium primo syllaba ultimo pronuntia B E, ex distantia *Echus* Monosyllabæ; post momentum alterum ad aures pertinet, ex distantia *Echus* Trisyllabæ, syllaba prior H A, tandemque post momentum tertium, denuo reddit B E; quæ proinde *Echum* Diphonam efficiunt. Quod si vero proclamata fuisset vox Trisyllaba H A B E B U N T, evidens est *Echum* monosyllabam, quæ in priori casu syllabam B E reddebat uno momento prius, quam illa altera syllabam H A, jam repetere syllabam B U N T

B U N T eodem momento, quo altera syllabam H A; ideoque illam Monnosyllabam penitus confundi, solamque alteram, quatenus binas syllabas B E. B U N T refert, distincte audiri; atque sic in ceteris. Præterea etiam ex alio capite fieri potest ut *Echo* Polyphona evadat, prout illa Villa Simonetæ communiter explicari solet. Videlicet ut sonus directus, ex ore loquentis aut quocunque corpore sonante promanans atque in objectum idoneum incurrens reflectitur; ita nihil omnino impedit, quin idem sonus semel reflexus ab alio quodam objecto iterum reflectatur; idque multoties donec tandem læpius impactus in varia objecta ab iisdemque reflexus penitus languescat. Hinc itaque fieri potest, ut, ob crebras reflexiones soni ejusdem inter binos parietes parallelos, mirabilis illa Polyphona *Echo* in Villa Simonetta oriatur; ne quid dicam de multitudine reliquorum obstaculorum, porticibusque columnatione varia multum interstinctis, quibus per alias quoque ambages vocem referri ejusdem miraculi explicatores affirmant. Eos solummodo consideravimus casus, ubi observator in eodem adest loco, ubi vox emittitur; nollem igitur tot momenta pulcherrima restaurare, nisi curtae meæ supellestilis forte conscientia *Echo* diyllaba STARE adeoque calamum de charta tollere juberet.

S O L I D E O G L O R I A.

*** *** *** ***

LITTERIS MORIBUSQUE ORNATISSIMO
DOMINO AUCTORI,

Toto illo tempore; quo a TE, Honoratissime Domine INFORMATOR, in literis bonisque artibus erudiri me feliciter contigit, tot virtutum tua- rummet eximiarum exempla observare, tot quoque ad honestas quasvis res incitamenta fortissima ani- mo meo impressa sentire mihi licuit, ut sincerum, quo me amplecteris, amorem neutquam enarrare nedum digne prædicare valeam.

Ea propter his permotus beneficiis applauden- tium cœtu abire nefas duco, atque potius grati a- nimi esse existimo, publice gratulari *Tibi* de elegan- ti hocce specimine, quod jam in lucem es editu- rus.

Meum erit supremo Orbis Moderatori supplica- re, ut metam *Tibi* propositam attingas, atque u- berrima *Tuas* virtutis præmia conlequaris!

Ita votet

TUI

Observantissimus
CAROLUS JOH. JEGERSCHIÖLD.

Lerwe Voica Pohjan Maalda Pohjan Voicasteren parissa!

Sama caunis ihanainen
 Sees firehen suloinen,
 Laitti minun liukkohelle
 Kerran käymähän euletti,
 Nurmi maalle nukkaiselle
 Eukaisten coti siolle,
 Toita kavelin catellen
 Jhantelin itereniz
 Kämin kynärän valistä
 Jopa seisoa sujotin,
 Tahi panin polvilleni
 Uuvuin istumaissilenni
 Otin eukasen kätchen,
 Toisen toisichen siwalsin,
 Sittä veijashin wähläisen
 Sanan eapi calcautin:
 Jopa ääni etälästä
 Enulu corwani sisähän,
 Toica mua jätkytteli
 Camat saneli janaiset.
 Minä waiksenin waleen
 Ajattelin arvollansa,
 Siellä ihmisen olowan
 Istuowan iterenä,
 Toica enuli laulawani
 Laulo laillani tacaisin:
 Täähä muistu mieleheni
 Astu aiwoni sisälle,
 Juttu camala Cajusta
 Taikcon catalan menosta,
 Toica oli Neito Nuori
 Caunis caswolda ihana,
 Mutta muuttu murehestä
 Eakki cuiwasit kokohon,
 Jottei jäänytä jälille

Tästä muuta tiettävästä,
 Tuin ääni mainittu metässä,
 Taikko eakki jätkyttävä.
 * * * * *
Tereni istueja,
 Täitä ajatellejani,
 Hawaihtin harvin siwulla,
 Tuolla eaukana tulowan,
 Maani Michen melkäisen,
 Warzin nickelän, wacaisen,
 Toica culti eukulalle
 Matkusti opin mäelle;
 Minä prysin puheille
 Juorua joutuekareni,
 Nämänen äskösen sanelin
 Toica mua jätkytteli,
 Tämäpä kirjan kätcheni
 Pisti präntätyyn paperin,
 Toja kirjotti Cajusta
 Taikcon luonnosta lateli,
 Päällä kelpo puhtahalla
 Aiwon aiulla hrovällä.
 Minä kijtin kelpo lailla
 Tota teesellä tulikin.
 Wijmeiu päätin puheenä
 Näällä sanelin sanoilla:
 Dunn työnsi täytyöhön
 Aina oleohon omasi!
 Ennen Taikko catoppi
 Mailta mekkäin mendövi,
 Ennen eniun cunnia nimesi
 Kitoresi kelwollinen,
 Tämän tehtyä tekosi
 Tämän Pissiman pírrettyä.

HENR. ACHRENIUS
Pohjalainen.